



**JESHI LA WOKOVU**

TAMKO LA MSIMAMO WETU KIMATAIFA

# **WAKIMBIZI NA WATAFUTA HIFADHI**



## TAMKO LA MSIMAMO

Jeshi la Wokovu kwa sehemu kubwa linahusika na watu mamilioni ambaa ni wakimbizi na watafuta hifadhi. Watu wanakimbia miji na nchi zao kwa sababu ya hofu dhahiri ya kuteswa. Wengi wa watu hawa wamepitia huzuni na wasiwasi, ambaa unaweza kuathiri afya na ustawi wao kwa muda mrefu.<sup>1</sup>

Jeshi la Wokovu linatambua kwamba uwezo wa kutafuta hifadhi ni kipengele cha haki ya msingi ya binadamu.<sup>2</sup> kwa kuwa watu wote wana haki ya kuishi, kuwa huru na kuwa salama. Jeshi la Wokovu linaunga mkono jitihada za kimataifa za kuondoa mateso na watu kuhama kupitia katika kueneza amani, uvumilivu, uelewa na heshima kwa maisha na heshima ya binadamu.

Kuhusika kwa upendo wa Mungu wenye ukarimu kwa wageni ni wazi katika Maandiko na kwa hiyo, Jeshi la Wokovu linashikilia kwamba watu binafsi na serikali lazima wachukue hatua za huruma na za kibinadamu kuhusu watu wanaotafuta hifadhi.

- 1 The Salvation Army acknowledges the global issue of mass migration for many other reasons – for example, economic reasons. This statement focuses on concerns for refugees and asylum seekers.
- 2 Asylum seekers are often distinguished from refugees, the term ‘refugee’ being reserved for those whose applications for asylum have been considered and granted (see the United Nations 1951 Convention on Refugees and 1967 Protocol).

Jeshi la Wokovu linalaani vitendo nya wasafirishaji haramu wa binadamu, wasafirishaji na wengine ambaa wanawea kutafuta kunufaika na hali mbaya ya wakimbizi na watafuta hifadhi. Jeshi la Wokovu linatambua wajibu wa mataifa ya nje wa kudhibiti mipaka yao lakini linaamini vile vile lipo jukumu la kuwajali wakimbizi na watafuta hifadhi. Hivyo, ni muhimu kwa mataifa kufanya kazi pamoja ili kukabiliana na hitaji kubwa la watafuta hifadhi.

Jeshi la Wokovu linashikilia kwamba watafuta hifadhi na wakimbizi wote wanatakiwa kupewa msaada waweze kutulia na wawe wanachama wachangiaji katika jamii haraka iwezekanavyo.



## MSINGI NA YALIYOMO

Kupita katika historia nzima, wanadamu wamewaona watu wakimbizi nchi zao na kutafuta hifadhi kimataifa. Duniani, hivi sasa kuna wakimbizi na watafuta hifadhi mamilioni.<sup>1</sup> Katika nchi zingine, vita imesababisha pawepo na watu wengi wanaotoka kwa kuhofia maisha yao. Wakimbizi wengi wamepokea vitisho kwa maisha yao, vurugu na aina nyingine za mateso kwa sababu ya ukabila, dini, jinsia, au hali ya kijamii. Katika mazingira haya ya dunia watu wanaoteseka ni watu walio katika mazingira hatarishi ya kusafirishwa kiharamu na kujitolea kukabiliana na hatari.

Mataifa yanausikia ule msukumo wa kukabiliana na hitaji la haraka la watu wanaotafuta hifadhi, hasa wakati vita husababisha wawasili kwa wingi. Wengine katika nchi mwenyeji wanaweza wakawa na chuki kwa wakimbizi. Kuhalalisha madai ya watafuta hifadhi wapewe haki ya ukimbizi na watulie kwa kudumu ni hatua ngumu lakini muhimu.

Watu wanaowasili katika nchi ambazo ziliweka sahihi mkataba wa mwaka 1951, bila kujali njia ya kuwasili kwao, wanahaki ya kutafuta ulinzi wa wakimbizi. Maombi ya ukimbizi huchakatuliwa na Tume ya Wakimbizi ya Umoja wa Mataifa (UNHCR) au serikali ambayo iliveka sahihi Mkataba wa Wakimbizi wa Umoja wa Mataifa wa mwaka 1951. Watafuta hifadhi ni watu ambao maombi yao ya kuwa wakimbizi bado hayaja amuliwa.

Watafuta hifadhi lazima wawe nje ya nchi yao ya nyumbani ili waweze kutoa maombi ya ulinzi.

Mkataba wa mwaka 1951 wa Umoja wa Mataifa unaohusu Hali ya wakimbizi (na itifaki ya mwaka 1967) inamwelezea mkimbizi kuwa ni: 'Mtu ye yote ambaye kwa sababu ya hofu ya msingi ya mateso kwa sababu za ukabila, dini, utaifa, uanachama wa kikundi fulani cha jamii au kikundi cha wazo la kisiasa, yuko nje ya nchi ya utaifa wake na hawezi au kwa sababu ya hofu hii, anashindwa kujitokeza alindwe na nchi hiyo.' Ulinzi wanaopewa wakimbizi ni pamoja na haki ya kutokufukuzwa, na haki ya kufanya kazi, haki ya makazi, elimu na msaada kijamii, uhuru wa kuzunguka na uhuru wa kuabudu.

Kuna hali mbaya kwa watu ambao wamekwama katika nchi za kupitia. Hili huwa tatizo hasa ikiwa nchi za kupitia ni zile ambazo hazikuweka sahihi mkataba wa mwaka 1951.



1 Idadi ya wakimbizi katika orodha ya shirika la wakimbizi la Umoja wa Mataifa ilifikia wastani wa milioni 14.4m wisho wa mwaka 2014. Walikuwepo zaidi ya watafuta hifadhi milioni 1.8. (<http://www.unhcr.org/pages/49c3646c137.html>).

## MSINGI WA MSIMAMO WA JESHI LA WOKOVU

Jeshi la Wokovu linaamini kwamba wanadamu wameumbwa kwa mfano wa Mungu na ni zawadi inayotakiwa kufurahiwa, kutunzwa na kukombolewa (Mwanzo 1:27). Utakatifu wa maisha ya binadamu una maanisha kwamba tuwatendee watu wote kwa heshima. Heshima haitolewi wala haishindikani kutolewa kwa sababu ya uraia, chaguo la binadamu au kwa hali mbaya; ni haki ya kila mmoja.

Katika Maandiko, Mungu anadhihirishwa kuwa ni upendo na mwenye huruma anayewafikia wote na ni pamoja na msaada maalum kwa wageni na wale ambao mazingira yao yamewaacha wakiwa wanahitaji msaada wa wageni.<sup>1</sup>

Mungu ambaye alikuwa kimbilio, hifadhi, mtoaji na mfariji kwa watu wa Israeli ya zamani, anaweka wazi kwamba watu wake wanatakiwa kukumbuka hali yao iliyokuwa mbaya wakielekea kwenye uhuru na usalama nao wawakaribishe wengine wakati wa shida zao: '[Mungu] huwafanya yatima na mjane hukumu ya haki naye humpenda mgeni, akimpa chakula na mavazi. Basi, mpendedni mgeni, kwa sababu ninyi wenyewe mlikuwa wageni katika nchi ya Misri' (Kumbukumbu la Torati 10:18-19).

1 Exodus 23:9, Leviticus 19:9-10, Numbers 35:15, Psalm 146:9, Matthew 22:34-40, Matthew 25:31-46, Luke 10:30-37, Hebrews 13:1-3. The Bible describes God himself as a refuge: Ruth 2:12, 2 Samuel 22:3 and 31, Psalm 5:11, Psalm 16:1, Psalm 17:7, Psalm 31:1-4, Psalm 34:8, Psalm 36:7, Psalm 46:1, Psalm 62:8, Psalm 91:2, Psalm 144:2, Nahum 1:7.

Sio tu wageni wawe mada ya kuhurumiwa na kupewa msaada maalum, wanatakiwa kukaribishwa kama majirani. Taifa la zamani la Israeli waliachwa bila shaka na sheria iliyowataka wwapende majirani zao kama mmoja wao wenyewe, hata kama jirani yao alitoka katika mazingira mengine, utamaduni mwingine au dini nyingine (Walawi 19:33-34). Yesu alifundisha tumpende Mungu na tumpende jirani (tazama Mathayo 22:34-40). Mtoto Yesu alikuwa mkimbizi akimkimbia dhalimu katili na kuitia kwa maisha yake yote alitafuta kuwapenda na kuwakaribisha wote. Aliwaamuru wale wanaowakaribisha wageni (Mathayo 25:35-36). Kuwa tiifu kwa mfano wa Yesu, Kanisa limewataka Wakristo watoe kwa ukarimu.<sup>2</sup> Ni kanuni ya msingi ya maisha yetu ya pamoja.

2 For instance, Hebrews 13:2 (NIV): 'Do not forget to show hospitality to strangers.'



## MAJIBU KWA VITENDO

1. Likiwa limehamasishwa na upendo wa Mungu kwa wanadamu, Jeshi la Wokovu linawaita Waumini wa Jeshi la Wokovu kufanya jambo kuhusu mahitaji ya watafuta hifadhi na wakimbizi. Kuwakubali, kuwasaidia na kuwatetea lazima vitolewe bila ya ubaguzi.
2. Toka kuanzishwa kwake, Jeshi la Wokovu limetafuta kupunguza mteso bila ya ubaguzi. Jeshi la Wokovu hufanya kazi kimataifa kukabiliana na mahitaji ya watu waliotelekezwa kwa kuwapa chakula, hifadhi na ushauri, na kushughulikia mahitaji mengine ya msingi. Jeshi la Wokovu kwa makusudi litapanga na kutekeleza majibu sahihi kwa wakimbizi na watafuta hifadhi.
3. Jeshi la Wokovu hutetea maendeleo ya sera za kuchukua hatua mapema na za huruma kuwahusu wale wanaotafuta hifadhi na wakimbizi. Ni muhimu sheria za nyumbani zihakikishe ni za viwango vya ubinadamu vya utekelezaji na vya hali ya watafuta hifadhi na wakimbizi sawa na mikataba ya kimataifa inayohusika.
4. Jeshi la Wokovu lina wasiwasi na ucheleweshaji wa upatikanaji wa madai ya watafuta hifadhi wanaotafuta hifadhi ya ukimbizi. Madai ya watafuta hifadhi lazima yashughulikiwe kwa haraka; kupata msaada wa kisheria, malezi kiafya, elimu na vifaa vya burudani lazima viwepo, heshima ya familia idumishwe, na ulinzi maalum na nafasi ya kwenda shule kwa watoto itolewe.
5. Jeshi la Wokovu linapinga kuwekwa ndani kwa watu wanaotafuta hifadhi, na linataka hatua nyingine zichukuliwe inapowezekana. Inapolazimika kumfunga mtafuta hifadhi basi asifungwe kwa muda mrefu zaidi ya muda unaohitajika kukamilisha ukaguzi wa utambuzi, afya na usalama.
6. Jeshi la Wokovu litafanya na watafuta hifadhi na wakimbizi bila kuwahukumu, litapinga unyanyapaa wao na litahimiza watu wake, pamoja na watu wa jamii kwa ujumla, wawakaribishe.
7. Jeshi la Wokovu litachukua kwa vitendo wajibu wa kukutana na watu katika serikali na mashirika ya kimataifa kama njia ya mapema ya utetezi wa wakimbizi kwa amani. Litatafuta kushawishi serikali ili kuhakikisha mikataba mbalimbali ya kimataifa inaheshimiwa. Litajishughulisha kimatendo na uundwaji wa sheria zinazohakikisha wanaotafuta hifadhi wanakutana na huruma na wanapewa kiwango cha juu cha usalama wa kibinadamu.
8. Jeshi la Wokovu litachukuwa kwa vitendo wajibu wa uundwaji wa mapema wa sera zenye huruma na zenye mtazamo wa haki za binadamu na mikakati inayotetea watafutaji hifadhi na wakimbizi.
9. Jeshi la Wokovu linalenga kutoa mazingira salama kwa ajili ya watafuta hifadhi. Kila inapowezekana, Jeshi la Wokovu litakabiliana na mahitaji yao ya kimwili, kihisia na ya kiroho. Litafanya na wakimbizi kuwaingiza katika jamii na katika ushirika wake.



## KUMBUKUMBU

**United Nations Convention and Protocol Relating to the Status of Refugees:**

<http://www.unhcr.org/3b66c2aa10.html>

**UNHCR Asylum-Seekers:**

<http://www.unhcr.org/pages/49c3646c137.html>

**UNHCR Figures at a Glance:**

<http://www.unhcr.org/pages/49c3646c11.html>

**The Salvation Army International Positional Statement on Human Trafficking:**

<http://www.salvationarmy.org/isjc/ipstrafficking>

---

### Imepitishwa na Jenerali, Mei 2016.

Mawazo yaliyoelezwa katika tamko la msimamo  
wetu kimataifa ndiyo msimamo rasmi wa Jeshi la  
Wokovu kuhusu maswala yaliyoelezwa, na hayatakiwi  
kubadilishwa kwa njia yoyote bila ya idhini ya Makao  
Makuu ya Kimataifa kwa maandishi.

